

la koloniisti, maxima-parte, ne povos facar. Traktesas pri la abato di la arbori, nam la tereno esas ankore kovrita per foresto. La preco di ca laboro, forfete, esas 5 dolari po "manzana", co esas quadrato de 83 metri singla-latero. En un manzana on plantacas cirkume 1000 kafeieri o 400 bananieri. La kafeieri, pronta por stekesar, kuestas cirkume 25 dolari po mil, livrita. La bananieri esos furnisita gratuite da Palomares. Por impedar ke la animali domestika penetrez en la plantacuri di la asocio, on bezonos fence de dornoza fer-filo, ma nur ye un latero di la tereni. Du quintali suficos, quo prizentas amortisenda spenco di cirkume 20 dolari.

La du inicieri di la projeto, Miguel Palomares e Marius Theureau, esas decidinta exekuteskar ol depos decembro 1927. Li plantacos singlu 500 kafeiero-stipi por la unesma yaro, e 50 bananieri. Palomares okupos su pri la parto di Theureau, segun la aranji konkluzita inter la du inicieri.

La tereno donita da Palomares ne povos vendesar.

Raporto pri la labori di la asocio esos donata en singla numero di Le SEMEUR di Kostarika.

Ca projeto povos modifikesar nur kun asento di omna membri.

Facante ca projeto ni volas nur, quele ni dicis komence, helpar la kamaradi en la komenci di la instalo. Ca asocio nule havas la skopo sekurigar komplete lia existo materiala. Oportas do ke singla asociano facez kultivi o plantaci personala por sekurigar sua futuro.

La kamaradi quin ca projeto interesus, esas pregata komunikeskar maxim balde posible kun Miguel Palomares, Santiago de Puriscal, Costa Rica Centro-America. Li dispozez la questioni en formo di listo kun spaco por la respondi. On respondos nur a la letri akompanata per internaciona respondo-kupono.

M. Theureau e M. Palomares

La principio di autoritato devas cedar sua loko a la principio di asocio.

Auguste Boutin

QUO ESAS GUVERNESAR?

Guvernesar, to esas: esar surveyata, inspektata, spionata, direktata, legifadizata, regulizata, enparkigata, endoktrinigata, predikizata, kontrolata, estimata, evaluprizata, censurata, komandata da enti qui havas nek cienco nek vertuo.

Guvernesar, to esas: ye singla efiko, ye singla transakto, ye singla movo, esar notata, registragata, kontadata, tarifizata, stampata, mezurata, kotizata, tributizata, patentizata, licencata, yurizata, apostilizata, reprimadata, impedata, reformata, korektigata.

To esas, kun la pretexto di utileso publika e pro la quaza intereso generala, esar kontributata, exercata, ransonizata, explotata, monopoligata, konkusionata, exhaustata, mistifikata, spoliata; pluse, ye la minima rezistado, ye l'unnesma-parolo di plendo, represata, emendata, difamegata, vexata, trakata, herisata, asomata, desarmizata, garot-ligata, enkarcerigata, fusi-lagata, mitralio-pafata, judiciata, kondamnata, deportata, sakrifikata, vendata, trahizata; e kom kelmo, mokata, manteata, insultegata, kalumniata, deshonorizata. YEN la GUVERNERIO!

P.-J. Proudhon

K O R E S P O N D A D O

IG. YUR. VIROVLY, Dvovskaya 18/2. Kiev, Ukraina, U. S. S. R. Deziras korespondar pri radio, politikala e teatralemi.

A L I D I S T I

Per ico, ni avertas l'Idisti dil kontinento Amerikana ke "Le Semeur" intencas esar organo di ligado inter li. Ni pregas ti, qui savas skriptar o tradokar aden Ido, relateskor a Miguel Palomares, Santiago de Puriscal, Costa Rica.

Ni intencas publikigor broshuri en Ido, p. ex biografii di penseri famoza, expozi dil diferanta sistemi qui probas solvar la problemi sociala, ec. Do, la kunlaborado da omna ti qui savas Ido esas tre utila a ni.

Le Semeur